



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Defensio Abbatiae Imperialis S. Maximini**

**Zyllesius, Nicolaus**

**Treveris, 1638**

17. Ioannis XV. Pont. Max. Bulla data Indictione XV.

**urn:nbn:de:hbz:466:1-14268**

nis DCCCCLXXIV. Indictione prima. Anno Regni Domini Ottonis XIII.  
Imperij VI. Actum Wornatiz in Domino feliciter. Amen.



17.

*Ioannis XV. Pont. Max. Bulla Data Indictione XV.*

**I**OANNES Episcopus servus servorum Dei, Venerabili Abbati, amabili nobis in Christo filio, Ogoni benedictionem Apostolicam. Convenit Apostolico moderamini, piâ religione pollentibus beneuola compassione subuenire, & religioso voto assensum impartiri. A summo enim opifice nos ex hoc præmium accepturos speramus, si Ecclesias ad eius cultum præparatas nostra industria in melius statuere laboramus. Igitur tuæ religiosæ petitioni assensum præbentes, autoritate Apostolici præcepti decernimus, vt congregatio Deo, Sanctoque Maximino deseruiens, sicuti à Charissimo filio nostro, Rege Ottonne, cæterisque Regibus, vel Imperatoribus Francorum, tuo cœnobio concessum est, liberam deinceps habeant potestatem creandi inter se, quem secundum Deum sibi elegerint Abbatem, nec aliqua cuiuslibet dignitatis persona infra Monasterium nisi à te, vel à tuo Successore inuitatus quicquam pro suo libitu ordinare vel exercere præsumat. Interdicimus etiam Apostolico præcepto, ne cui vnquam Ecclesiæ, vel sedi concambio, vel aliquo ingenio subdatur, sed tali libertate & immunitate, sicut Prumiense Monasterium, cæteraque Regalia loca inoffensè & perpetualiter fruatur: ipse vero locus Monasterij perenniter sub Mundiburdio Regum vel Imperatorum, filiorum S. R. Ecclesiæ, Apostolico præcepto iubemus, vt maneat, nulli vnquam personæ beneficiarius, aut inuadendus pateat, sed ad vsus & tranquillitatem Monachorum ibidem absque vllius contradictione liber permaneat, ad eumulû quoq; vel augmentum Monasticæ tranquillitatis adijcimus, ne qua cuiuslibet dignitatis persona, vel aliquis successorum tuorum spiritu maligno seductus, quicquâ vel minimum alienare præsumat, tã ex his, quæ modo Monasterio tuo collata sunt, quã ex his quæ cæteri fideles indies

collaturi sunt. Si quis autem (quod absit) nefario ausu præsumpserit, ea, quæ ad utilitatem iam dicti venerabili Monasterij statuta sunt, infringere, aut in quocumque violare, sciat se ex autoritate omnipotentis Dei per interuentum B. Petri Apostolorum Principis, cuius vice fungimur, & nostræ autoritatis Apostolicæ constitutionem, & assensum omnium comprouincialium, & Suffraganeorum Episcoporum anathematis vinculo inextricabiliter innodatum. Scriptum per manum Theophili Latini Notarij & Regionarij atque Scriniarij S. R. E. In mense Ianuario, Indictione XV. Bene Valete. Data VII. Idus Ianuarij, per manum Ioannis Episcopi, & Bibliothecarij S. Apostolicæ sedis, Anno Deo propitio Pontificatus Domini Ioannis, Summi Pontificis & vniuersalis PP. XV. In sacratio Ecclesiæ S. Petri Apostoli.

18.

*Ottonis III. Imperatoris Datum Francofurti, Anno  
DCCCCXC.*

**I**N nomine sanctæ & indiuiduæ Trinitatis. Otto diuinâ fauente clementiâ Rex. Quoniam omnium Regum Imperia consistunt in diuinæ manus potentia, misericordissima Dei ea gubernari miseratione credimus, si dignis seruatorum Dei religionibus aures pietatis accommodamus. Vnde nouerit omnium industria fidelium, tam præsentium quam & futurorum, qualiter Venerabilis Abbas Wolemarus Cænobij Sancti Maximini, regulari secundum regulam S. Benedicti religione insigniti, quod constructum in suburbio Treuirorum in honore S. Ioannis Apostoli & Euangelistæ, prædictus Christi Pontifex insignis corpore, adierit clementiam nostræ Regalitati, Willigisi Sanctæ Mogunciensis Ecclesiæ Archiepiscopi, nec non & Ottonis Comitis fultus præsidio interuentiois, quatenus nostri priuilegij decreto iuxta morem prædecessorum nostrorum Regum vel Imperatorum, prædicto Cænobio tranquillitatem iuxta quod illius religio exposcit concederemus. Igitur amore religionis accensus, quo in eodem loco absque ullius impedimenti serupulo seruetur finetenus iuxta propriæ deliberationis arbitrium, fideliumque nostrorum petitionem & consilium priuilegia Antecessorum nostrorum Regum vel Imperatorum, Dagoberti videlicet, Pippini, Magni Caroli, Ludouici Pij, Successorumque eorum, Aui etiam nostri Ottonis, Patriisque nostri æquo Ottonis diuorum videlicet Augustorum, nostræ autoritatis decreto corroboramus, Et vt beneuola nostrorum Antecessorum pietas non à nobis neglecta debilitetur, Et Monachorum inibi Deo sub Regula S. Benedicti seruentium tranquillitas ab aliqua subintroducenda persona non inquietetur, decernentes vt hoc idem Cænobium, vbi prænominatus Pontifex requiescit Maximinus, cui præesse videtur prædictus Venerabilis Abbas Wolemarus, sicut & Antecessorum nostrorum sic sub nostro quoque Successorum nostrorum iure, Mundiburdio & defensione consistat, nec alicui sedi aut Ecclesiæ, excepto nostræ Regalitati, successorumque nostrorum, famulum aut appendix vel beneficiarium subiaceat, Concedimus etiam iisdem Monachis liberum inter se eligendi Abbatem arbitrium, vt eo securius ab eis diuinum impleatur officium, summæque propèsius Maiestatis pro nobis implorent auxilium. Insuper etiam concedimus, vt idem Abbas, sibiq; cõmissa cõgregatio, eorūque successores potestatem habeant Aduocatas Monasterij sui, cui velint dadi, cuique velint tollendi. Aduocati quoque cõstituti in villis eorū, nec nõ

Dd 2

homi-